

Aningaasaqarnermut Ataatsimiititaliap suliaq nr. 01.31.06/08-00336 pillugu ulloq 28. maj 2008-mi aalajangiinera pillugu Naalakkersuisunut ilisimatitsineq (Naalakkersuisu siulittaasuata ulloq ulloq 23. maj 2008-mi aalajangigaa nr. 299)

2008/2009-mi efterskolimiinnermut aningaasaleeqinnet

Naalakkersuisut inassutigaa,

Kontumut pingaarnermut 40.01.08-mut oqaasertaliussassatut nassiussat akuerineqassasut

Kontumi pingaarnermi 40.01.08-mi, Ilinniartitaanermut pilersaarut kiisalu ilinniartitaanerup immikkut ittumik suliniuteqarfigineqarnera, aningaasaliissutit 11.476.000 kr.-inik qaffanneqassasut.

Kontumi pingaarnermi 40.10.12-imi aningaasaliissutit 930.000 kr.-inik ikilineqassasut.

Kontumi pingaarnermi 61.01.04-mi, Ilinniartitaanermut pilersaarut kiisalu ilinniartitaanerup immikkut ittumik suliniuteqarfigineqarnera, aningaasaliissutit 10.546.00 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Maniitsumi, Kangerlussuarmi Sisimiunilu efterskoliugallartunik pilersitsinissaq siunertaralugu suliama matumani pineqartut Naalakkersuisut ilassutitut aningaasaliissutinik qinnuteqarput. Taamaalilluni ukiumi atuarfiusumi 2008/2009-mi efterskolimi inissanik 174-inik pilersitsisoqarnissaa naatsorsuutigineqarpoq. Taamaalillutik atuartut 290-it piumasaqaatinik naammassinnikkuarlutik 2008/2009-mi efterskolimiinnissamut itigartinneqarsimasut ilaannakortumik Naalakkersuisunit ikiorserniarneqarput.

Efterskolimiinnissamut itigartinneqartut amerlanerujussuannut tunngavusoq tassaavoq ukiumi atuarfiusumi 2007/2008-p naanerani inuusuttut atuagaqatigiiaat marluk ataatsikkut meeqqat atuarfiannit animmata.

Naalakkersuisullu naatsorsuutigingisaannik taakku inussutissarsiutitigut sungiusarnerup iluani pinnatik ilinniarnertik efterskolimi ingerlateqqinniarlugu kissaatigisimavaat.

Tassunga atatillugu 2008-mi aningaasanut inatsisissatut siunnersuutip aappassaaneerneqarnissaanut Ataatsimiititaliap isumaliutissiissutaani ajornartorsiut tamanna pillugu oqaatigineqartut ataatsimiititaliap eqqaasitsissutigissavai:

¿Ukioqatigiiaat marluitt meeqqat atuarfiannik 2008-mi ataatsikkut qimatsinissaat

Atuarfitsialaap eqqunneqarneranik aallaaveqartumik ukioqatigiiaat marluitt meeqqat atuarfiannik 2008-mi ataatsikkut qimatsissapput. Tamanna ilinniarfissanik, praktikkerfissanik il.il immikkut illuinnartumik annertussuseqartumik pisariaqartitsilerneq pissutigalugu ilinniarfiit sinnerinut artukkiissaaq.

Namminersornerullutik Oqartussanut suliassaat annertoq tassaassaaq illuatungaatigut ilinniarfinni inissanik naammattunik peqarnissap qulakkeernissaa, taamaaliornikkullu inissaqannginneq pissutigalugu ukioqatigiiaat marluitt ilaasa ilinnianermik ingerlatsinissamut mattunneqannginnissaat, illuatungaatigullu ukioqatigiiaat marluitt inissatigut illutatigullu annertusaanissamut, ukioqatigiiaat marluitt ilinniarnermik ingerlatsereernerisa kingorna atorfissaarunneqartussanik, atorneqannginnissaannik qulakkeerinninnissaq.

Suliassaqarfimmi pineqartumi pilersaarusernerup siuarsarneqarnissaanut Naalakkersuisut Aningaasaqarnermut Ataatsimiititaliamit arleriarujussuarlutik kaammattorneqarput. Ajornartorsiullu pillugu ataatsimiititaliaq ukiut arlallit ingerlanerini Naalakkersuisunut arlalissuarnik apeqquteqartarsimavoq.

2008-mi aningaasanut inatsimmi suliassaqarfimmi 40-mi, 62-imi 84-imilu ilinniartitaanermut tunngasuni aningasaliissutigineqartut pisariaqartitsinerup matussuserneqarsinnaaneranut naammannissaat aalajangiisuusumik pingaaruteqarpoq.

Sulili pingaarnervuq piareersaataasumik suliassat piffissaagallartillugu sukumiisumik isumagineqarlutillu ilinniarfinnut piareersaasiortoqarsimanissaa.

Tamatumani minnerunngitsumik pineqarput illutatigut allilerinissat, pissutsilli naapertorlugit taakku annertuumik aningaasartuuteqanngikkaanni taasarialimmik nukingisaarunneqarsinnaanatik.

2006-imi aningaasanut inatsisissatut siunnersuummut II-mut isumaliutissiissummini apeqqut taanna pillugu ataatsimiititaliaq ima allappoq:

Ukioqatigiiaat marluitt meeqqat atuarfiannik 2008-mi ataatsikkut qimatsinissaat

Atuarfitsialaap eqqunneqarneranik aallaaveqartumik ukioqatigiiaat marluitt meeqqat atuarfiannik 2008-mi ataatsikkut qimatsissapput. Tamanna ilinniarfissanik, praktikkerfissanik il.il immikkut illuinnartumik annertussuseqartumik pisariaqartitsilerneq pissutigalugu ilinniarfiit sinnerinut artukkiissaaq.

Namminersornerullutik Oqartussanut suliassaat annertoq tassaassaaq illuatungaatigut ilinniarfinni inissanik naammattunik peqarnissap qulakkeernissaa, taamaaliornikkullu inissaqannginneq pissutigalugu ukioqatigiiaat marluitt ilaasa ilinnianermik ingerlatsinissamut mattunneqannginnissaat, illuatungaatigullu ukioqatigiiaat marluitt inissatigut illutatigullu annertusaanissamut, ukioqatigiiaat marluitt ilinniarnermik ingerlatsereernerisa kingorna atorfissaarunneqartussanik, atorneqannginnissaannik qulakkeerinninnissaq.

Suliassaqarfimmi pineqartumi pilersaarusernerup siuarsarneqarnissaanut Naalakkersuisut Aningaasaqarnermut Ataatsimiititaliamit arleriarujussuarlutik kaammattorneqarput. Ajornartorsiullu pillugu ataatsimiititaliaq ukiut arlallit ingerlanerini Naalakkersuisunut arlalissuarnik apeqquteqartarsimavoq. 2008-mi aningaasanut inatsimmi suliassaqarfinni 40-mi, 62-imi 84-imilu ilinniartitaanermut tunngasuni aningasaliissutigineqartut pisariaqartitsinerup matussuserneqarsinnaaneranut naammannissaat aalajangiisuusumik pingaaruteqarpoq. Sulili pingaarnuvoq piareersaataasumik suliassat piffissaagallartillugu sukumiisumik isumagineqarlutillu ilinniartinnut piareersaasiortoqarsimanissaa. Tamatumani minnerunngitsumik pineqarput illutatigut allilerinissat, pissutsilli naapertorlugit taakku annertuumik aningaasartuuteqanngikkaanni taasarialimmik nukingisaarunneqarsinnaanatik. 2006-imi aningaasanut inatsisissatut siunnersuummut II-mut isumaliutissiissummini apeqqt taanna pillugu ataatsimiititaliaq ima allappoq:

¿Kontoni pingaarnerni tamani, 2008-imi meeqqat atuariannik qimatsisussanut ukioqatigiinnut marluinnut aningaasartuutissanut missiliuutit ersarissut Naalakkersuisoqarfiup AIS07-imi kingusinnerpaamik ilanngussimasussaagai ataatsimiititaliap oqaatigissallugu minikkumanngilaa. Ukiut aggersut ingerlanerini meeqqat atuarianni ukioqatigiiaat marluinnut tunngatillugu naatsorsuutaanngitsumik aningaasaliinissamik pisariaqartitsinerumut ilassutitut aningaasaliissuteqarnissamik qinnuteqaatinik tigusaqarnissaq naatsorsuutigineqanngimmat ataatsimiititaliap maannangaaq piareersimaffigeqqussavaa. ¿ Ilassutitulli aningaasaliissuteqarnissamik qinnuteqaatit arlallit ukioqatigiiaanun marluinnut toqqaannartumik attuumassutillit 2007-ip ukiaata ingerlanerani ataatsimiititaliamit akuersissutigineqartariaqarsimapput. Taamaalillunilu Naalakkersuisut pilersaarusernerat pisariaqartutut siuarsimatiginersoq pillugu ataatsimiititaliap aarleqquteqarnera annerulerpoq.

Suliami matumani pineqartumi ajornartorsiut alla inuusuttunut 1992-ip missaani inunngorsimasunut attuumassuteqarpoq. Tassani pineqarput inuusuttut atuariannik ilaannaani Atuariatsialammik aaqqissuussinerumik malinnaasimasut. Taamaakkaluartoq atuariannik aaqqissuussinerumut siusinnerusukkut atuuttumut sanilliullugu ukioqatigiiaat taakku ukiumik atuariannik ataatsimik ilanngaavigineqarsimapput. Tamama piviusumik kinguneraa ukioqatigiiaat taakku ukioqatigiiaanun angajullinerusunut taamatullu nukarliunerusunut tamakkiisumik sivilissuseqartumik atuarianneqarsimasunut ilinniagassatigut piunarsaatit assinginerumik piunarsateqarnissaat. Inuusuttut ukioqatigiiaat taakku ajorluartumik pisariaqarneratut immikkut isiginiarneqarsimangillat. Danmarkimi 2008-mi efterskolernissamut aningaasanik amerlanerusunik immikkoortitsinissaq siunnersuutigineqarsimagaluarpoq, ukioqatigiiaanulli taakkununga ikaarsaariarnermi aaqqissuussinissaq pisariaqartutut isigineqarsimagunangilaq.

Ukioqatigiiaat marluutit taakku 2008-mi meeqqat atuariannik qimatsisussat ilaasa ilinniartinnut katataanissaat assut aarleqqutigineqarsinnaasoq 2008-mut atatillugu ajornartorsiutip tamakkiisup naliliiffigerani Aningaasaqarnermut Ataatsimiititaliaq isumaqarpoq. Taamatut aarleqqutiginninneq soorunami inuusuttunut nukissakinnerusunut, tassa sivilissuseqartumik atuarianneqarsimasunut tunnganaruvoq. Taakkorpiaallumi kingusinnerusukkut ilinniartinnut aallartitsisinninissaat ajornarnerpaassaaq.

Pilersaarusernerup amigarnera pissutigalugu inuttut aningaasaqarnikkullu pilliutissat annertooujussuusinnaaneri imaannaanngimmat oqaatigineqassaaq. Tamanna Inatsisartunit Naalakkersuisunillu immikkut eqqumaffigineqartariaqartoq Aningaasaqarnermut Ataatsimiititaliaq isumaqarpoq. ¿ (Issuaaneq naavoq)

Efterskolinit qinnuteqartut immikkut annertuseriarujussuarneranni ukioqatigiiaat 1992-imeersut Atuariatsialaap ilaannaanik ingerlatsisimasut immi ikaarsaariarnermi aaqqissuussinerumik pilersitsisutut isigineqarsinnaanersoq tunngaviatigut isumaliutigineqarsinnaavoq. Qinnuteqartulli amerleriarujussuarnerannut tunngavisoq suugaluarpuunniit siuliani issuakkat tunngavigalugit efterskolini inissat amerlisinniarlugit Naalakkersuisut maanna piviusorsiorumik suliniuteqarnerat nuannaarutissaasoq Ataatsimiititaliaq isumaqarpoq. Ataatsimiititaliarli aamma isumaqarpoq suliniuteqarneq kingusinaartoq. Efterskolinit aaqqissuussinerugallartup piareersarneqarnera sulianik ingerlatsinerumik piffissamik annertuumik atuarianneqarsimanera ataatsimiititaliamit soorunami paasineqarpoq. Kingusinnerpaamillu 2007-imi ukiakkulli 1992-imi inunngortut pineqartut pisariaqartitaat qularutissaanngitsumik matussuserneqarsinnaannginnerat pillugu Naalakkersuisut ataatsimiititaliamit kalerrisaarneqarmata Ataatsimiititaliaq isumaqarpoq maannakkumit siusinnerusukkut suliniuteqarnissamut piareersartoqarsimassagaluarpoq.

Aammattaaq oqaasertaliussat ataani allassimasut oqaaseqaatitallit Aningaasaqarnermut Ataatsimiititaliamit akuersissutigineqarnissaat Naalakkersuisut qinnuteqaamminni qinnutigaat::

¿¿Konto 40.10.12 pineqarlutik Efterskolit

Naalakkersuisut pisinnaatinneqarput, Danmarkimi efterskolinut aningaasaliissutit aamma atorneqarsinnaasut nunatsinni efterskoleriartut siumut utimullu angalanerinnut tapiissutitut, qallunaat efterskoliinut kalaallit ilinniariartut siumut utimullu angalanermut akiliunneqartarnerannut malittarisassat atuuttut assigalugit.

Oqaasertaliussanut oqaaseqaatit

Nunatsinni efterskoliugallartussanik pilersitsinerup kingunerisaanik Naalakkersuisut pisinnaatinneqarput, Danmarkimi efterskoleriarluni angalanernut immikkoortinneqarsimasut aamma atorneqarsinnaasut nunatsinni efterskoleriarluni angalanernut tapiissutitut.

Nunatsinni efterskolit pillugit inatsisissamut siunnersuut suliarineqarpoq Inatsisartut 2008-imi ukiakkut ataatsimiinneranni saqqummiunneqartussatut.

Kontumi pingaarnermi 40.10.12 oqaasertarineqartut tamatumunnga naleqqussarneqassapput.

Oqaasertaliunneqartut AI 2008-mut naleqqiullugit nutaajupput.¿

Oqaasertaliusaaq taanna akuerineqarsinnaasutut ataatsimiititaliamit isigineqarpoq.

Ataatsimiititaliap naggasiullugu oqaatigissavaa nutaamik aningaasaliissuteqarnissamik qinnuteqaatinut Ataatsimiititaliap naatsorsuutigigajuttagaanut iluserititat aningaasaliissuteqarnissamik qinnuteqaammi matumani pineqartumi tamakkiisumik naammassineqanngimmata. Taamaalilluni qinnuteqaatip eqqortumik paasineqarnissaanut allaffissornikkut qulaajaasoqartariaqarsimavoq, tamannalu Ataatsimiititaliamit naapertuutinnngilluinnartutut isigineqarluni. Taamaakkaluartoq qinnuteqaat matumani pineqartoq sapinngisamik nukingiuullugu suliarineqartariaqartoq ataatsimiititaliaq isumaqarpoq, taamaattumik periuseq tamanna pisariaqarsimalluni. Taamaattorli Aningaasaqarnermut Ataatsimiititaliamut aningaasaliissuteqarnissamik qinnuteqaatit pitsaassusaasa siunissami annertunerusumik qulakkeerneqartassasut Ataatsimiititaliamit **kaammattuutigineqassaaq**, taamaalilluni qinnuteqaat atuartunut paasiuminartuusinnaaqqullugu.

Tamatumunnga peqatigitillugu efterskoliugallartut nutaat pilersinneqarneranni suliap ingerlanera pillugu Ataatsimiititaliaq ataavartumik paasitinneqartassasoq Ataatsimiititaliamit **kaammattuutigineqassaaq**. Ingerlataq Aningaasaqarnermut Ataatsimiititaliamut qinnuteqaammi matumani pineqartumi killissarisaasut nalunaarutigineqartut iluini akilerneqassanersoq pillugu paasissutissanik immikkut ittunik tigusaqarnissani Ataatsimiititaliap kissaatigaa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisunit inassuteqaatit Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua